

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

Broj: T04 0 KT 0069562 26
Zenica, 30.06.2026.godine

OPŠTINSKI SUD U ZAVIDOVIĆIMA
Sudija za prethodno saslušanje
ZAVIDOVIĆI

Na osnovu člana 45. stav 2. tačke i), člana 241. stav 1. ZKP-a F BiH, p o d i ž e m

OPTUŽNICU

Protiv:

K. K., ...

Što je:

da je dana 11.04.2026.godine, oko 23:00 sati, u Maglaju, u ulici ..., nasiljem i naročito drskim i bezobzirnim ponašanjem ugrozio građanski mir H. J., H. A. i H. A., te ošteti tuđu stvar, na način da je izašao iz putničkog motornog vozila marke “...” registarskih oznaka “...” kojim je upravljala njegova supruga K. Š., nakon čega se trčećim korakom uputio prema putničkom motornom vozilu marke “...” koje se kretalo u suprotnom pravcu kojim vozilom je upravljao vlasnik vozila H. J. u kom su se nalazili H. J. i H. A., te skočio na poklopac motora navedenog vozila i zatvorenom šakom nekoliko puta udario po prednjem vjetrobranskom staklu i haubi navedenog vozila, uslijed čega su na poklopcu motora nastala oštećenja u vidu udubljenja, te na vjetrobranskom staklu oštećenja u vidu pukotine, nakon čega je došao do vozačevih vrata automobila “...”, te ista otvorio i upotrebom fizičke sile pokušao izvući H. J. iz automobila, u čemu nije uspio obzirom da je oštećeni bio vezan sigurnosnim pojasom, pri tom upućujući psovke H. J., H. A. i H. A., svjestan da na taj način ugrožava građanski mir, te tako oštećuje tuđu stvar, a što je i htio, prčinivši na taj način vlasniku H. J. putničkog motornog vozila marke “...” materijalnu štetu u tačno neutvrđenom iznosu,

dakle, nasiljem, naročito drskim i bezobzirnim ponašanjem prema drugom ugrozio građanski mir, te ošteti tuđu stvar,

čime je počinio krivično djelo „Nasilničko ponašanje“ iz člana 362. stav 1. Krivičnog zakona Federacije Bosne i Hercegovine u sticaju sa krivičnim djelom “Oštećenje tuđe stvari” iz člana 293. stav 1. Krivičnog zakona Federacije Bosne i Hercegovine, u vezi sa članom 54. Krivičnog zakona Federacije Bosne i Hercegovine.